

春在堂全書

第三函
十二冊

壬癸編

春在堂詩編十四

德清俞樾

壬辰元旦口占

歲朝婦孺共團欒八九衰翁強盡歡未便衣冠都脫略
已於拜起倍艱難明窗試筆年規在余每年元旦書元旦舉筆百事大吉
入靜室焚香日課完每日誦金剛經一過元旦不輟莫對屠蘇悲失歲
夕陽光景暫盤桓

新正二日花農自廣東省垣傳電賀年率書一絕

句復之

金蛇紫電御風行吉語傳來不計程親筆老夫書客籍

嶺南星使賀新正

立春前一日聞雷詩以紀之

迎春官吏剛入城阿香駕車隨之行依依格格雌雄鳴
老夫坐聽心爲驚傍有村嫗喜相慶道此休徵名臘迸
每逢臘迸是豐年莫訝冬而行夏令斯言載籍無所徵
卻思舊事從前曾吾年十六歲在丙除夕聞雷聲齜齜
光緒九年十一月葭管飛灰纔六日亦聞雷鼓填然鳴
似挾一陽從地出乃知此事初無奇我生以來兩遇之
其餘記憶所不及試問故老當能知連日煩蒸不可奈
強御重裘思解帶豐隆鬱律出奇兵石破天驚來意外

臘迸之說雖無稽其象非同震遂泥但願今年果大有
吾先農父操豚蹄

正月十六日許氏二外孫女歸王氏長外孫媵之
以詩

嬌養吾家十八春

外孫女六歲來吾家今二十四齡矣

今朝爲汝締良姻

阿爺日下孃泉下憑仗衰翁作主人

梅花香裏月團欒十六良宵好合歡春在堂前添色澤

分將喜氣到門闌

王郎年少最翩翩名姓曾經達九天

九天

王氏外孫於其祖文勤公身後

奉有及歲引見之論

爲有文勤遺澤在他年知是玉堂仙

更欣從母卽慈姑佳婦佳兒兩足娛明歲姑年剛五十

壽筵能得抱孫無

其姑卽吾長女也今年四十有九矣

至退省庵率二兒婦姚孫女慶曾曾孫女璉寶同
拜彭剛直公祠時公奏稿新於吳下刻成卽以一
冊交守祠者置公神龕

刻成奏議及遺詩

詩八卷亦已刻成尙未印釘故未攜來

後死難將此責

辭青史大名奚藉此白頭老友合如斯只憐近日余衰

甚大似當年公病時

余近者腰股酸痛艱於行步

扶杖三潭三太息

餘年幾度拜彭祠

新市人沈阿長在西湖爲余操舟有年矣以婢瑞

香妻之并爲製一小舟使操以爲業

浮家莫笑似浮萍爲製煙波一小舸他日我來湖上住
漁童前導後樵青

余殘牙零落能喫筍而不能喫蓴有問者口占答
之

尙堪大嚼貓頭筍無可如何雉尾蕪吾齒居然仲山甫

剛柔茹吐異常人

蕪絲柔滑入口無可捉摸不如筍固
鈍根可任人咀嚼也此非親歷老境

者不
知

曲水池上新成一小橋賦詩落之

園林一曲柳千條但覺扶疏綠蔭饒爲惜月明無可坐

故於水面強爲橋平鋪白版儼成路俯倚紅欄剛及腰
更置梯桄通小閣差堪布席置茶鉢

自有此橋曲水亭與回峯閣通矣

花農學使以羅定所出蒲席兩端寄贈并云此卽
古所謂蒲越越讀如字以地得名也固衍其意賦
此爲謝

輶軒使者乘輕輶羅銀水畔何迢遙迢遙寄我兩端席
發視何啻瓊與瑤彼中民俗俱工織織蒲爲席好顏色
陸離儼似錦成文滑笏不同裘有緘使臣行部偶得之
更發高論前無師古云越席卽謂此以地得名夫奚疑
尤可徵者曰蒲越經師誤讀音如活豈知蒲席自越來

故名蒲越配橐鞬不見磬石出韶州云是虞廷之鳴球
嘉魚出自肇慶府南有嘉魚歌於周而況蒲越製最古
祀天用之義有取須知蒲席來從越亦如苞茅貢於楚
王者豈以異物珍所貴德足來遠人德足來遠遠物至
郊壇乃敢陳明禋我朝規模更無外海外珍奇盡來
會區區一席何足言寄與先生當縞帶老夫得此成奇
觀草堂六月俄生寒韓公贊歎黃琉璃杜老驚詫青琅
玕作越席歌滿一紙老夫之意不止此願君廣搜席上
珍杞梓楸楠貢天子

曲園卽事

手治園林十八年亭臺泉石故依然自從添造平橋後
風景依稀較勝前

回峰閣小小於舟經歲無人此一游今日人人連步上

要看新月柳梢頭

自造平橋曲水亭始與回峰閣通矣每新月初出其地得月較早也

玻璃爲鏡卽爲門

曲水亭北設小門兩面皆玻璃闔之則似鏡屏然

別有雙匳

壁上存爲是吾園難縱目教從鏡裏看吾園

竹筒引水作流泉滴瀝清聲到耳邊試向橋頭憑檻看

水紋添得幾重圓

盛水於缸置山石閒以竹筒引水而下激之使上流入池中

小浮梅檻又重新綠幕紅闌映水濱更仿鐵龍濬河法

頓教翳穢變清淪

小浮梅檻蔽矣時又新之并以曲水池中多柳葉翳穢濬之使清

每逢月夜儘倘佯無月還來此納涼偶有微風生樹杪
已聽簷鐵韻琳琅

書花農國香三瑞詩後

並蒂花開第一枝風流猶是秀才時六朝駢體無多讓

已兆徐陵絕妙詞

君第一次於杭州三元坊館舍得並蒂蕙君猶諸生也同里許君贈詩云

名花自古如名士駢體文章愛六朝

並蒂花開第二枝老夫及見爲題詞更煩鐵面趙清獻

同賦煖風芳草詩

君第二次於姚園寺舊宅中得並蒂蕙時己以庶吉士假旋余爲賦詩彭

剛直公時在西湖亦爲賦詩

而今開到第三枝使者銀羅校射時莫向騎奴頻問訊

夢中早已報君知

今歲四月君校士羅定又於輿中得並蒂蕙問誰置此無知者而其夜曾

夢人以素蕙四盆見餉

三十年來三見之遙知九畹舊曾滋海棠雖避詩人諱

正是清芬克紹時

君避太夫人之諱故易其名曰蕙實則三次所見皆九畹之秀也第一次

在辛未歲第二次在辛巳歲今歲壬辰三十年矣

焚寄彭剛直公

謝病臨淮自乞身

璽書再起舊綸巾象牀寶帳無遺

語虎節金符又重臣辛苦灰盤當日事飛揚油幕此時

新雲旂倘向江邊過一笑相逢兩故人

花農以荔支見惠卽次原韻賦謝

杜老猶銘菜把恩，況貽珍果到寒門。已分冷豔來梅嶺，

去年君度庾嶺曾折早梅寄贈

更擷甘芳到荔園。高價可傾吳下市，

車正歷海邊村。只慙一語真非分，天上人間與並論。

君詩

云天上慈雲罔極恩，人間風義託師門。蓋以所得荔枝分半薦先分半寄余也。

卽事口占

本來薺菜盃，嘗君暑日腥羶。更厭聞不是，聞韶亦忘肉。
居然三月食無葷。

善飯廉頗是將才，豈余衰朽敢追陪。近來飯量殊堪笑，
朝一茶杯夕酒杯。

莫將眠食問何如，老去精神尚似初。九九炎天八十一

著成十四卷新書

長夏杜門不出著書得十四卷因夏至後亦有九九之諺故題曰九九銷

夏錄

截簫引水作泉聲

注見前

翦紙爲鐙代月明

以綠紙糊圓燈懸空中望

之如月

世事由來都是假老夫何必不人情

又得四絕句

寂寞閒居養散材經時冠帶滿塵埃門前投刺人稀少

有女歸甯當客來

謂歸王氏長女

江花鄭草總荒蕪尙有童心只自娛三要近來添作四

西湖新製勝遊圖

曲園三要者一爲八卦葉子格二爲三才中和牌譜三爲勝遊圖今又製

西湖勝遊圖則四矣

大慙大好滿人間無怪昌黎欲汗顏草草課孫文一卷

吉林傳誦到臺灣

余所著課孫草前年有自吉林來求者今年有自臺灣來求者

計字酬縑非敢叨也煩潤澤此枯毫曲園文價年年長

試比隨園總未高

隨園當日竟有以千金求一文者余文雖極貴尚不能得其三之一也

中秋夜作

萬里陰晴今夜同此言未敢信坡公客談偶及兩年事

風景懸殊百里中

妻姪姚穀孫言前年在上海舊年在無錫中秋皆遇雨而蘇州則皆晴也

東坡謂中秋晴雨皆同此言未信

塵世只須論見在清光且喜滿長空

吾生如寄姑行樂也學吳兒拜月宮

朱將軍殺虎圖

將軍名洪章字煥文貴州開泰人官永州鎮總兵時
有虎入城將軍發火槍斃之故作是圖

朱將軍勇冠軍雲臺煙閣銘其勲

以戰功賜
騎都尉世襲

永州城

虎入城呀呀張口誰敢撓萬槍隆隆聲不徹無奈虎皮
堅似鐵將軍一槍搯其喉狂吼未終虎已絕昔時李將
軍射虎非真虎已自英名震千古將軍所斃真於菟真
虎所至千人遁將軍直前無時踣真視猛虎如鼷鼷至
今披此圖一幅尙有威風動林麓我謂此事猶尋常將
軍當年手縛虎中王

克復金陵時地雷發將軍首先
入城破偽王府親擒偽王之兄

任筱沅中丞訪我春在堂適潘蔚如中丞及盛旭

人觀察繼至旭翁年七十九蔚翁年七十六筱翁
年七十而余則七十有三賓一主共二百九十
七歲因以詩紀之

四人二百九十七一主三賓春在堂五老未全誰繼至
八公分半已成行蒼浪鬚鬢看俱古脫略衣冠恕我狂
三公皆盛服余則布衣朱履太史明朝書盛事老人星聚在金閨

筱沅中丞見示和章疊前韻酬之

三壽作朋真我幸一時並集在茲堂珠槃敢主耆英會
來詩語意非所克當花樣休題官錦行旌節輶軒皆是夢湖山壇

坵尙能狂坐中潘鬢蕭疏甚猶擬秋風叩帝閭
蔚如中丞

有重九日
北上之意

重九前二日崧鎮青中丞劉景韓方伯黃澤臣廉
訪王心齋觀察不期而集並訪我於西湖俞樓中
丞曰是亦一盛事可與吳中四老之會並傳矣不
可無詩因疊前韻又成一律

曲園居士湖濱住大會羣公在一堂十載戟門老賓客

中丞方伯皆吳中
舊雨近十年矣

幾人詞館舊班行

廉訪觀察皆
翰林後輩

湖山

眺覽能增色年齒推排許放狂

余馬齒
最長

再報德星杭郡

聚又教傳述到吳閫

吳季英以所藏隨園十三女弟子請業圖索題率